

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za boračka pitanja, Vlada Zeničko-dobojskog kantona, Vlada Zeničko-dobojskog kantona, na 82. sjednici, održanoj 11.10.2012. godine, d o n o s i

## ZAKLJUČAK

### I.

Odobravaju se sredstva u iznosu od 15.000,00 KM (slovima: petnaest hiljada konvertibilnih maraka), Marinku (Marka) Jukić iz Žepča, ratnom vojnom invalidu i licu u stanju socijalne potrebe iz Žepča, i to 10.000,00 KM (deset hiljada konvertibilnih maraka) sa transfera Ministarstva za boračka pitanja, a 5.000,00 KM (pet hiljada konvertibilnih maraka) sa transfera Ministarstva za rad, socijalnu politiku i izbjeglice u svrhu izgradnje stambenog objekta i trajnog rješavanja stambenog pitanja njegove porodice.

### II.

Sredstva iz tačke I Zaključka isplatit će se iz Budžeta Zeničko-dobojskog kantona za 2012. godinu i to:

- 10.000,00 KM sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 “Pomoć u rješavanju stambenog pitanja” Ministarstva za boračka pitanja.

- 5.000,00 KM sa razdjela 20, budžetska organizacija 01, potrošačka jedinica 0001, ekonomski kod 614200, KAD 207, sa pozicije „Ostali socijalni transferi“ Ministarstva za rad, socijalnu politiku i izbjeglice.

### III.

Uplata sredstava bit će izvršena na račun Općine Žepče.

Služba za opću upravu i društvene djelatnosti općine Žepče se obavezuje doznačena sredstva u iznosu od 10.000,00 KM uplatiti na račun imenovanog, a izvještaj sa dokazima o namjenskom utrošku sredstava dostaviti Ministarstvu za boračka pitanja, kao i iznos sredstva od 5.000,00 KM i dokaz o realizaciji sredstava dostaviti Ministarstvu za rad, socijalnu politiku i izbjeglice u roku 15 dana od dana izvršenih doznaka sredstava na račun Općine.

### IV.

Zadužuju se Ministarstvo za boračka pitanja, Ministarstvo za rad, socijalnu politiku i izbjeglice i Ministarstvo finansija, da u skladu sa zakonom i podzakonskim aktima, realizuju ovaj zaključak, svako u okviru svojih nadležnosti.

### V.

Zaključak stupa na snagu danom donošenja.

Broj: 02-\_\_\_\_\_/12.

Datum, 11.10.2012. godine

Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo za boračka pitanja,  
1x Ministarstvo za rad, socijalnu politiku i izbjeglice,  
1x Ministarstvo finansija,  
1x Općina Žepče (putem ministarstva),  
1x a/a.